

На основи Програми роботи за 2017. рок и Одлуки Надпатраючого одбору Розвойного фонду Автономней Покраїни Войводини д.о.о. Нови Сад,

Розвойни фонд Автономней Покраїни Войводини д.о.о. Нови Сад, розписує

КОНКУРС ЗА КРАТКОРОЧНИ КРЕДИТИ ЗА ОБРАЦАЮЦИ СРЕДСТВА

1. ЦИЛІ ДОДЗЕЛЬОВАНЯ СРЕДСТВОХ

Основни цель додзельованя кредитох то обезпеченє финансйних средствох яки наменени за финансване обрацаюцих средствох яки потребни за обезпеченє континуитету діловних процесох підприємствох з целью стимулованя обезпечованя роботи.

За реализацию тей кредитней линії плановани средства у суми 300.000.000,00 динари.

2. ХАСНОВАТЕЛЄ КРЕДИТУ

Право участвовац на конкурс маю правни особи и поднімателє хтори, у складзе зоз членом 6. Закона о рахунковдстве, розкласовани на микро, мали або штредні правни особи.

Хаснователє средствох муша мац регістроване шедзиско на території АП Войводини.

Средства з кредиту не мож хасновац за організоване бавискох на щесце, лутрийох и подобних діялносцох, продукцию нафти и нафтових дериватох, продукцию и обток гоч яких продуктох або активносцох хтори ше по домашніх предписаньох або медзинародних конвенцийох и спорозуменьох, трима за забранени.

3. УСЛОВИЯ КРЕДИТОВАНЯ

- сума кредиту: у складзе з кредитну способносцу подношителя вимаганя, од 300.000,00 динари по 20.000.000,00 динари,
- применьованє валутней клаузули – за шицки обрахунки кредиту по шицких питаньох ше будзе применьовац штредні курс евра НБС на дзень уплацованя або виплацованя,
- **термин врацаня кредиту:** 12 мешаца, у рамикох хторих облапени грейс период,
- **грейс период:** 3 мешаца,
- **период розполагаюцосци:** 36 мешаца од дня першей реализациї кредиту, при чим хаснователє може хасновац нову траншу док цалком вимири обовязки по предходней транши,
- **ануитети ше обраховює и плаци квартално.**
- У грейс периодзе ше квартално обраховює и плаци интеркаларну камату у висини контрактowej каматней стопи,
- **обезпеченє кредиту:**
 - штири вексли з вексловим овласценьом, у складзе зоз Законом о платним обтоку,
 - два власни вексли з вексловим овласценьом власніка, снователя або директора,
 - г'аранция діловней банки **або**
 - ипотека - заложне право першого шора або нізшого, кед лєм Фонд ипотекарни поверитель на польопривредней жеми, на хасен Розвойного фонду Автономней Покраїни Войводини д.о.о. Нови Сад (у дальшим тексту: Фонд), у минималним одношеню прецененей тарговищней вредносци и вимаганого кредиту 150% **або**
 - ипотека - заложне право першого шора або нізшого, кед лєм Фонд ипотекарни поверитель на будователней жеми, кварталней або діловней укріженей нерухомосци на хасен Фонду, у минималним одношеню прецененей тарговищней вредносци и вимаганого кредиту 200%.

Фонд затримує право од другого овласценого преценьовача питац додатне преценьоване польопривредней жеми, кварталней або діловней нерухомосци. Фонд длужен од овласценого преценьовача питац додатне преценьоване польопривредней жеми, кед по першобутним преценьованю вредносц превисшує суму 10.000 ЕУР по гектаре. Додатне преценьоване ше ма окончиц на трошок подношителя вимаганя.

Кед клиент спада до ґрупи повязаних особох, обовязни инструмент обезпеченя то найменей ручене єдней повязаней особи хторе прилапліве за Фонд, окрема кед кредит обезпечени з ґаранцию діловней банки,

- **каматна стопа:**
 - **2%** на рочним уровню за кредити хтори обезпечени з ґаранцию діловней банки,
 - **3%** на рочним уровню за кредити хтори обезпечени з ипотеку,
- **за хасновательох кредиту хтори маю шедзиско на території городох и општинох Автономней Покраїни Войводини, а хтори розкласовани до трецей и штвартей ґрупи по розвитосци, каматну стопу ше зменшує за єден процентни поен.**

4. МИНИМАЛНИ УСЛОВИЯ

За шицких подношительох вимаганя хтори як инструмент обезпеченя даю ґаранцию діловней банки, важа тоти минимални условия:

- Нет досцигнути невимирени обовязки спрам Фонду.
- Нет досцигнути невимирени обовязки спрам АП Войводини по кредитох хтори одобрил Фонд за розвой АП Войводини, а хтори зоз Контрактом о зверйованю роботох провадзения и наплацованя погледованьох зверени Фонду.
- Нет невимирени обовязки по основи порцийох и инших явних приходох.

За подношительох вимаганя хтори як инструмент обезпеченя не даю ґаранцию діловней банки важа и инши минимални условия:

- Найменей два рочни финансови звити.
- Правни особи и поднімателе – двойне кнїжководительство:
 - Діловане зоз діловним и нето прибутком по остатнім закончующим рахунку.
 - Вкупни капитал по закончующим рахунку за предходни рок векши як нула.
- Поднімателе - простое кнїжководительство:
 - Діловане зоз нето прибутком по остатнім закончующим рахунку.

5. ПОДНОШЕНЕ ВИМАГАНЯ И ПОТРЕБНА ДОКУМЕНТАЦИЯ

Вимагане за додзельоване средствох ше подноши на формуларе – Вимагане за одобрванє кредиту (у дальшим тексту: Вимагане). Вимагане мож превжац на електронски способ з интернет боку Фонду (www.rfapv.rs) або у просторийох Фонду, на адреси Булевар цара Лазара 7а Нови Сад.

Надополненє за обробок кредитного вимаганя виноши: **5.000,00 динари**.

Надополненє за хасноване услугох Кредитного бироа виноши: **1.440,00 динари** за правни особи; **600,00 динари** за поднімательох и **246,00 динари** за физични особи (власнік подніматель).

Надополненє ше уплацує на рахунок Розвойного фонду АПВ число: **200-2626900101001-56**; поволанка на число: **0363001101**.

Документация хтору ше подноши на конкурс:

ФОРМУЛАРИ ХТОРИ ПРЕДПИСАЛ ФОНД

1. Виполнени и подписани формулар *Вимагане за одобрванє кредиту* з доказом о уплачених наведзених трошкох.

2. Виполнени формулар *Виява о повязаних особох*.
3. Виполнени формулар *Проекция билансу стану и успиху за чечуци рок* (за правни особи и поднімательох з двойним кніжководительством), *Проекция билансу успиху за чечуци рок* (за поднімательох з простим кніжководительством).

СТАТУСНА ДОКУМЕНТАЦИЈА

4. Вывод з Регистру привредних субектох.
5. Фотокопию сновательного акту и Статута подприємства, односно другого акта з яким ше ушорює компетентносц орґана.
6. Фотокопию ОП формулара.
7. Правомоцна Одлука компетентного орґана о задлужованю Клиєнта при Фонду.

ФИНАНСИЈНА ДОКУМЕНТАЦИЈА

8. Виполнени и подписани формулар Вимагання/Согласносци за поцаговане звиту Кредитного бироа.
9. Фотокопию картону депонованих подписох.
10. Потверджене діловних банкох о просековим стану и обтоку динарских и девизних рахункох за предходни и чечуци рок.
11. Потвердження компетентних орґанох же вимирени обовязки по основи порційох и инших явних приходох, не старши од 30 дньох.
12. Комплетни рочни урядови финансијни звит.
13. Фотокопию оверених консолидованих финансијних звитох, кед подношитель Вимагання спада до ґрупи повязаних особох хтора подлегує под законску обовязку составяня истих.
14. Бруто биланс зоз пейцифровима рахунками и рекапитулацию по класох на дзень подношеня Вимагання и спецификацию шицких рахункох купцох и добавячох.

**Правни особи и поднімательє хтори як инструмент обезпеченя по вимаганим кредиту предкладаю гаранцию діловней банки, не маю обовязку доручиц документацию под подточку 3, 10, 13 и 14.*

ДОКУМЕНТАЦИЈА О ПОНУКНУТИХ ИНСТРУМЕНТОХ ОБЕЗПЕЧЕНЯ

15. Штири вексли з вексловим овласценьом, у складзе зоз Законом о платним обтоку.
16. Два власни вексли з вексловим овласценьом и фотокопию особней легітимациі (власніка, снователя або директора) окрем кед правна особа подношитель кредитного вимагання не зоз векшинским приватним капиталом.

17. У зависносци од понукнутих инструментах обезпеченя треба доручиц и:

- Кед инструмент обезпеченя **ґаранция діловней банки**:
 - Писмо о намирох діловней банки о выдаваню ґаранциі.
- Кед инструмент обезпеченя **гипотека на польопривредней жеми**:
 - Ориґинални вивод з ґрунтовних кніжкох або вивод, односно препис лістку нерухомосцох без терхи и ограніченя за польопривредну жем хтора предмет ипотеки, не старши од 15 дньох од дня подношеня вимагання.
 - Преценьованє тарґовищней вредносци польопривредней жеми з боку овласценого преценьовача одвитуючого фаху, не старше як 90 дні. Преценьованє польопривредней жеми не облапя вредносц засадох.
 - Фотокопії особних легітимацийох шицких власнікох и супружнікох або членох немалженскей заєдніци власніка польопривредней жеми.
 - Одлука орґана управяня о кладзеню ипотеки на польопривредну жем, кед вона власносц правней особи.
- Кед инструмент обезпеченя **гипотека на будовательней жеми, кварталней або діловней нерухомосци**
 - Ориґинални вивод з ґрунтовних кніжкох або вивод, односно препис лістку нерухомосцох без терхи и ограніченя, не старши од 15 дньох од дня подношеня вимагання.
 - Преценьованє тарґовищней вредносци нерухомосци з боку овласценого преценьовача одвитуючого фаху не старше як 90 дні.
 - Фотокопії особних легітимацийох шицких власнікох и супружнікох або членох немалженскей заєдніци власніка нерухомосци.

- Одлука орґана управяня о кладзеню ипотеки на нерухомосц, кед вона власносц правней особи.

У случаю же Фонд одобри кредит яки обезпечени з кварталну або діловну нерухомосцу, треба доручиц и Полису осигураня нерухомосци хтора предмет ипотеки, винкулировану на хасен Фонду.

Обовязни змист преценьованя вредносци, лістину преценьовачох и Програму роботи Фонду мож найсц на интернет боку Фонду (www.rfapv.rs).

Фонд затримує право, у случаю потреби, окрем наведзеной документації питац и додатну документацію.

Конкурс отворени покля ше не вихаснує средства яки плановани за його реализацию або по приношенє одлуки компетентного орґана о завераню Конкурса.

Комплетну потребну документацію ше доручує при придаваню вимаганя за кредит у Розвойним Фонду Автономней Покраїни Войводини д.о.о. у Новим Садзе, Булевар цара Лазара 7а, у Секторе за кредити, або ше ю посла по пошти на исту адресу.

Вимаганя хтори не виполнюю минимални условия яки наведзени у точки 4. Конкурса, як и вимаганя хтори ше поднесе по завераню конкурса ше не будзе розпатрац.

Шицки додатни информации мож достац особне на адреси Булевар цара Лазара 7а, Нови Сад, у Секторе за кредити; на електронски способ: kreditno@rfapv.rs або на телефон на числа: 021/454-334; 021/450-698; 021/450-702; 021/6351-022; 021/6351-014.

РОЗВОЙНИ ФОНД АВТОНОМНЕЙ ПОКРАЇНИ ВОЙВОДИНИ,

НАДПАТРАЮЦИ ОДБОР